



## ADMINISTRACIÓN LOCAL

### MUNICIPAL

#### CEE

*Ampliación do horario de peche dos establecementos abertos ao público e de finalización dos espectáculos públicos e das actividades recreativas con motivo da celebración da festa/verbena popular IX Festa do porquiño ao espeto no Lg. San Xíán*

#### RESOLUCIÓN

**ASUNTO:** AMPLIACIÓN DO HORARIO DE PECHE DOS ESTABLECEMENTOS ABERTOS AO PÚBLICO E DE FINALIZACIÓN DOS ESPECTÁCULOS PÚBLICOS E DAS ACTIVIDADES RECREATIVAS CON MOTIVO DA CELEBRACIÓN DA FESTA/VERBENA POPULAR IX FESTA DO PORQUIÑO AO ESPETO NO LG. SAN XIAN, DA PARROQUIA DA PEREIRIÑA

**EXPEDIENTE DECRETO:** 2026/G003/000502

#### ANTECEDENTES:

EXPTE. Nº 2026/U029/000012

A Lei 10/2017, do 27 de decembro, de espectáculos públicos e actividades recreativas de Galicia, establece no artigo 4.c) que lle corresponde á consellería competente en materia de espectáculos públicos e actividades recreativas determinar o horario xeral de apertura e peche dos establecementos abertos ao público e de inicio e finalización dos espectáculos públicos e das actividades recreativas. Así mesmo, dispón no artigo 5.f) que lles corresponde aos concellos autorizar as ampliacións ou reducións sobre o horario xeral, atendendo aos criterios, os supostos e as circunstancias que, de ser o caso, figuren na orde de horarios prevista no artigo 17 da Lei.

A Orde da Vicepresidencia primeira Consellería de Presidencia, Xustiza e Turismo do 23 de outubro de 2020, pola que se determina o horario de apertura e peche dos establecementos abertos ao público e de inicio e finalización dos espectáculos públicos e das actividades recreativas, dispón no seu artigo 9.1 que os concellos poderán ampliar para todo o seu termo municipal ou para zonas concretas deste os horarios xerais de peche dos establecementos abertos ao público, así como de finalización dos espectáculos públicos e das actividades recreativas, durante a celebración das festas e verbenas populares, do Entroido, da Semana Santa e do Nadal, facendo compatible, en todo caso, o seu desenvolvemento coa aplicación das normas vixentes en materia de contaminación acústica.

Por Resolución da alcaldía nº 1020/2025, de data 10/12/2025, fíxose o número máximo de días naturais durante o presente ano 2026 nos que poderán ampliarse os ditos horarios neste termo municipal, conforme co disposto no artigo 9.2 da devandita Orde. Na citada Resolución indícase que as datas concretas de ampliación dos horarios determinarase mediante resolución da alcaldía, de oficio ou a petición de parte interesada.

No artigo 9.4 da Orde do 23 de outubro de 2020 sinalase que as ampliacións de horario non poderán superar, en ningún caso, en 2 horas os horarios xerais de peche dos establecementos abertos ao público, dos espectáculos públicos e das actividades recreativas.

Logo de ver o escrito presentado na sede electrónica municipal o día 11/05/2026 (registro entrada nº 202699900000789) por Diego Pazos Toba, en representación da ASOCIACION CULTURAL XENTE DA TRALLA, organizadora da festa/verbena popular denominada IX FESTA DO PORQUIÑO AO ESPETO, que se vai celebrar no Lg. San Xíán, da parroquia da Pereiriña, deste termo municipal, o sábado, día 6 de xuño de 2026, e no que solicita a ampliación do horario de remate da verbena nocturna no horario máximo permitido polo Concello.

Considerando a vontade deste Concello en apoiar a actividade das verbenas como celebracións festivas tradicionais de Galicia así como o interese en favorecer o tecido asociativo municipal, que fai posible a celebración destes eventos, o cal se debe compatibilizar coa aplicación das normas en materia de contaminación acústica ou outras disposicións legais e, así mesmo, cos dereitos de terceiras persoas, coa seguridade do público asistente á festa e co óptimo funcionamento dos servizos públicos.

No uso das atribucións que me outorga a lexislación do réxime local, **RESOLVO:**

1º. **Autorizar a ampliación en 2 horas** sobre o horario xeral disposto nos artigos 5 e 7 da Orde do 23 de outubro de 2020, da **finalización da festa/verbena popular** denominada **IX Festa do porquiño ao espeto**, que se vai celebrar no Lg. San Xíán, da parroquia da Pereiriña, deste termo municipal, **na noite do sábado, 6 de xuño ao domingo, 7 de xuño de 2026**, co cal, o horario máximo de finalización da festa popular o día 7 de xuño será ás **06.30 horas**.

2°. Autorizar a ampliación en 2 horas sobre o horario xeral disposto nos artigos 5 e 7 da Orde do 23 de outubro de 2020, do peche dos establecementos de restauración (epígrafe III.2.5, Orde do 23 de outubro de 2020) da parroquia da Pereiriña na noite do sábado, 6 de xuño ao domingo, 7 de xuño de 2026. Os devanditos establecementos deberán contar co título habilitante correspondente (licenza ou comunicación previa con toda a documentación esixida) para o exercicio da actividade.

3°. Publicar a presente resolución no Boletín Oficial da Provincia.

(...)

En CEE, 25 de maio de 2026.

A alcaldesa, *Margarita Lamela Louzán*

A secretaria, *Rocío Hermida Cancela*

2026/3446